

外科正宗卷八



外

科

正

宗

卷

八

附

乳

癰

北

骨

疽

北

腸

癰

北

臟

毒

北

痔

瘡

北

下

疔

北

魚

口

北

便

毒

北

囊

癰

北

腎 懸

癰 癰

北

北



重訂外科正宗卷之七

乳癰論第二十六

夫乳病者乳房陽明胃經所司乳頭厥陰肝經所屬乳子之母不能
調養以致胃汁濁而壅滯爲膿又有憂鬱傷肝肝氣滯而結腫初
起必煩渴嘔吐寒熱交作腫痛疼甚宜牛蒡子湯主之厚味飲食
暴怒肝火妄動結腫者宜橘葉散散之又憂鬱傷肝思慮傷脾積
想在心所願不得志者致經絡痞澀聚結成核初如豆大漸若圍
棊子半年一年二載三載不疼不瘰漸漸而大始生疼痛痛則無
解日後腫如堆栗或如覆碗紫色氣穢漸漸潰爛深者如岩穴凸
者若泛蓮疼痛連心出血則臭其時五臟俱衰四大不救名曰乳
岩凡犯此者百人百必死如此症知覺若早只可清肝解鬱湯或
益氣養榮湯患者再加清心靜養無望無碍服藥調理只可苟延



中國醫藥大學圖書館藏

歲月若中年已後無夫之婦得此死更尤速故曰夫乃婦之天也
惟初生核時急用艾灸核頂待次日起泡挑破用披針針入四
用水蠅散條插入核內糊紙封蓋至十三日其核自落用玉紅膏
生肌斂口再當保養不發又男子乳節與婦人微異女損肝胃男
損肝腎蓋怒火房慾過度以此肝虛血燥腎虛精怯血脉不得上
行肝筋無以榮養遂結腫痛治當八珍湯加山梔牡丹皮口乾作
渴者加減八味丸腎氣素虛者腎氣丸已潰作膿者十全大補湯
懷孕之婦乳疾口內吹因胎氣旺而正冲致陽明乳房作腫宜石
膏散清之亦可消散遲則遷延日久將產出膿乳汁亦從膿竅流
出其口難完有此者純用補托生肌其口亦易完矣

乳癰乳岩看法

初起紅赤腫痛身微寒熱無頭眩無口乾微疼者順已成掀腫發熱

疼痛有時一囊結腫不侵別囊者輕已潰膿黃而稠重消疼痛漸止
四邊作癢生肌者順潰後膿水自止腫痛自消新肉易生膿口易合
者順初起一乳通腫木痛不紅寒熱心煩嘔吐不食者逆已成不熱
不紅堅硬如石口乾不眠胸痞食少者逆已潰無膿正頭腐爛腫勢
愈高痛勢愈盛流血者死潰後肉色紫黑痛苦連心澀氣日深形體
日削者死

乳癰乳岩治法

初起發熱惡寒頭眩體倦六脉浮數邪在表宜散之發熱無寒惡心
嘔吐口乾作渴胸膈不利者宜清之鼻衄傷肝思慮傷脾結腫堅硬
微痛者宜疎肝行氣已成掀腫發熱疼痛有時已欲作膿者宜托裏
消毒膿已成而脹痛者宜急開之又脾胃虛弱更兼補托潰而不斂
膿水清稀腫痛不消疼痛不止大補氣血結核不知疼痛久而漸大

破後惟流污水養血清肝

乳癰治驗

一婦人因怒左乳腫痛寒熱交作以參敗毒散一劑表症已退又以牛蒡子湯二服腫消漸漸而安

一婦人憂思過度久鬱成癆左乳結核如桃年年似痛非痛咳嗽生痰身發潮熱診之脉微數而無力此真氣雖弱而邪火尚未有餘如用藥合理亦堪調治先用逍遙散加香附貝母十餘服而咳嗽漸止寒熱間作又以八珍湯加香附牡丹皮柴胡遠志十餘服身熱去其八九又以益氣養榮湯加青皮木香兩月餘其胸膈得利噯氣得舒飲食漸進肌膚漸澤外腫以阿魏化瘡膏貼之半年餘而消

一婦人右乳疼痛腫如覆碗診之脉數有力此有餘症欲作膿也以



托裏消毒散數服而脹痛卽針之出膿碗許又以十全大補湯加香附十餘服而安

婦人暴怒左乳結腫疼痛自服仙方活命飲二服疼痛稍止結腫不消仍服清涼敗毒之劑腫痛反作形體日弱予診之脉浮數而無力此屬真氣虛而邪氣實也非補不可以益氣養榮湯四五服其腫始高寒熱亦退又十餘服而膿潰兼以十全大補湯兩月而痊此非純補之功其疾豈能得愈

男子年過五旬因妻喪子不成立憂鬱傷肝左乳結腫半年痛甚作腐肝脉弦數先以小柴胡湯加青皮山梔遠志貝母數服而肝脉稍平又以八珍湯仍加前藥十餘服其腫漸腐爲膿更服益氣養榮湯庶保收斂彼爲內醫所惑謂鬱怒傷肝肝經有火不必用補更服降火流氣寬中等劑致食少便秘發熱作渴復請予治肝

脉復弦口乾作渴邪火內淫飲食減少脾土受傷便秘發熱陰血竭而為燥為熱已上俱內損症也辭不治後月餘果死
一婦人左乳結核三年方生腫痛診之脉緊數而有力此陽有餘而陰不足也况結腫如石皮肉紫色不澤此乳岩症也辭不治
婦左乳結腫或小或大或軟或硬俱不為痛已半年餘方發腫如覆碗堅硬木痛近乳頭壘壘遍生疙瘩時痛時癢診之脉弦而數腫反慘黑不澤此氣血已死辭不可治又一婦人潰腫如泛蓮流血不禁辭後果俱死

乳癰主治方

牛蒡子湯

牛蒡子湯瓜蒌仁黃芩連翹柴花粉

銀花山梔甘草陳青皮牛子角針平

治乳癰乳疽結腫疼痛論新久但未成膿服

陳皮

牛蒡子

山梔

金銀花

甘草

瓜蒌仁

黃芩

天花粉

連翹

角針各一錢

柴胡

青皮各五

水二鍾煎八分入酒一杯和勻食遠服

橘葉散

橘葉散內有柴陳
石膏黃芩連翹等

川芎山梔青皮迎
甘草加之効有靈

治婦人有孕胎熱為內吹有兒嚙乳名外吹致乳結成腫痛
交作甚者惡心嘔吐並服之

柴胡

陳皮

川芎

山梔

青皮

石膏

黃芩

連翹

各一錢五分

甘草二十

水二鍾煎八分食遠服

清肝解鬱湯

清肝解鬱湯陳芍
青皮生附併蘇葉

桔半芎歸貝扶神
通草山梔遠志評

治一切憂鬱氣滯乳結腫硬不疼不癢久激作疼或胸膈不利肢
體倦怠面色痿黃飲食減少

陳皮

白芍

川芎

當歸

生地

半夏



南京中医药大学图书馆藏

香附各八分

青皮

遠志

茯神

貝母

蘇葉

桔梗各六分

甘草

山梔

木通各四分

水二鍾薑三片煎八分食遠服

鹿角散

鹿角散効獨稱雄每服三錢酒調下

消乳專於建大功能致腫痛永無踪

治乳癰新起結腫疼痛增寒發熱但未成俱効鹿角尖三寸用炭

火內煨稍紅存性碾末每服三錢食後熱酒一茶鍾調服甚者再

一服必消

同乳四物湯

同乳四物湯最需加上麥芽能散乳

芎歸白芍地呈更消腫脹得和平

治產婦無兒嚙乳致乳汁腫脹堅硬疼痛難忍

川芎

當歸

白芍

熟地各二錢

麥芽

二兩炒為麤末

水二鍾煎八分食遠服用腳布束緊兩乳以手按揉其腫自然消

散甚者再用一服



灸乳腫妙方

灸乳腫痛方來異將碗覆於患上灸

諸般腫痛我然消

治氣腦勞傷或寒熱不調乳內忽生腫痛用碗一隻內用龕燈
四根十字排勻碗內燈草頭各露寸許再用平山龕紙裁成
五分潤紙條用水濕紙貼蓋碗內燈草上紙與碗口相齊將碗覆
於腫乳上留燈草頭在外將艾大圓放碗足底內點火灸之艾盡
再添灸至碗口流出水氣內痛覺止方住甚者次日再灸一次必
消

保安萬靈丹

見癰疽腫瘍門

治乳癰初起發熱惡寒頭眩肢體作痛者立効

益氣養榮湯

見癰疽腫瘍門

治鬱怒傷肝七情內結以致乳中生核不疼不癢日久方痛甚者
胸膈不利吞酸嘔吐頭目昏眩四肢倦怠或已破潰膿水清稀不

能收斂飲食減少口淡無味自汗盜汗肢體羸瘦者並効

治乳便用方治乳蒲公英最良

酒煎乘熱服眠床消腫欣然身便安

治乳癰初起腫痛未成膿者用蒲公英春秋間開黃花似菊取連

根帶葉二兩搗爛用好酒半斤同煎數沸存渣敷腫上用酒熱服

被蓋睡一時許再用連鬚葱白湯一茶鍾催之得微汗而散此方

鄉村偏僻無藥之所用之極妙亦且簡便

下乳天漿散下乳天漿四物充

茯苓花粉麥門冬漏蘆甘草木通逢

治乳母元氣虛弱乳汁微少或生兒日久乳少

川芎當歸白芍

熟地茯苓天花粉

甘草王不留行

麥門冬漏蘆川山甲炒

通草各一錢

用健豬前蹄一隻煮蹄爛取汁二碗同藥煎至碗半三次頓熟食



遠服之以熱木梳梳其乳房其汁如泉湧而來

木香餅

木香餅用生地黃氣滯腫疼併閃胸

二物和一熨自無殃

治一切氣滯結腫成核或痛或閃胸風寒所傷並効

木香

錢五

生地

黃一兩
搗膏

右木香為末同地黃和勻量患處大小作餅置腫上以熱熨斗熨之堅硬木痛者間日熨之妙

乳癰應用方

十全大補湯

八珍湯

見癰疽潰瘍門

逍遙散

冰蠅散

小柴胡湯

見癰疽潰瘍門

托裏消毒散

見腫

阿魏化痞膏

見瘰癧疾明

附骨疽第二十七

附鶴膝風

夫附骨疽者乃陰寒入骨之病也但人之氣血生平壯實雖遇寒冷



南京中醫藥大學圖書館藏

則邪不入骨凡入者皆由體虛之人夏秋露臥寒濕內襲或房慾
之後蓋覆單薄寒氣乘虛入裏遂成斯疾也初起則寒熱交作
似風邪隨後髀腿筋骨作痛不熱不紅疼至徹骨甚者曲伸不能
轉側日久陰變爲陽寒化爲熱熱甚而腐肉爲脹此疽已成也凡
治此症初起寒熱作痛時便用五積散加牛膝紅花發汗散寒通
行經絡或萬靈丹發汗亦可次以大防風湯行經活血滲澤補虛
又有生於尻臀部位漫腫作疼者內托羌活湯腿內近膝股漫腫
木痛者內托芪柴湯腿外側者內托酒煎湯初起通用人參敗毒
散加木瓜牛膝蘇木紅花虛者十全大補湯加羌活防已牛膝已
成欲作膿者附子八珍湯膿成脹痛者卽針之膿稠而黃體實者
十全大補湯膿清色白體虛者保元大成湯食少體倦者香砂六
君子湯脾虛寒熱者補中益氣湯以此調理可也又有風溼相乘

之症初起寒熱交作次傳腿腫作痛其形光亮微紅發熱腫痛按之如泥不便起者宜當歸拈痛湯或茯苓佐經湯間服萬靈丹和之以上之症皆由元氣不足中來不可誤用損脾泄氣敗毒等藥外禁寒涼等法如誤用之必致氣血水凝內肉癰腐日久化爲疔水敗膿流而不禁者終死又有房慾勞傷寒熱互變氣血乖違經脈橫解受病曰深以成斯疾者其患大腿漸漸腫如冬瓜上過膝腹下連足底牽連漫腫皮色不紅日久潰膿色白腥穢腫仍不消痛仍不減元氣日衰身體縮小唇舌乾焦二便枯秘諸藥不効飲食不進者終爲不治又有鶴膝風乃足三陰虧損之症初起寒熱交作時亦宜五積散加牛膝紅花或萬靈丹發汗俱可如汗後腫痛仍不消滅此陰寒深伏以大防風湯溫暖經絡重者兼灸膝眼二穴敷以琥珀膏亦可漸漸取効又如以上之法俱不効者終成

痼疾不必強藥消之只宜先天大造丸史國公藥酒每常服之終
年亦可轉重就輕移步行履尚可圖也

附骨疽看法

初起身微寒熱飲食如常結腫微紅疼不附骨者順已成舉動
結腫成囊疼痛有時膿易成者為吉已潰膿稠腫消痛減身體輕便
醒睡穩不熱者吉潰後元氣易復飲食易進內肉易實膿水易乾
者吉初起身發寒熱漫腫色白肢體牽強疼痛附骨者險已成舉動
不便通腿漫腫不熱不紅不作膿者為險已潰膿水清稀氣穢腥臭
腫痛不消形體日削者死潰後脾胃虛弱飲食無味口渴不止唇白
皮枯者死

附骨疽治法

初起發熱惡寒身體拘急腿腳腫痛脉浮緊者散之已成腿腳腫痛



中醫藥大學圖書館藏

皮色不變上下通腫者散寒溫經絡寒熱作腫色白光亮按之如泥不起者宜健脾滲溼身體無熱惡寒脈遲而濇腿腫不熱者養血溫經絡暑中三陰脈洪而數腿腳掀腫口乾便燥者宜下之已潰膿水清稀飲食減少形體消瘦者補中健脾胃潰後腫痛不減膿水不止虛熱不退者溫中養氣血愈後筋骨牽強曲伸不便者宜滋養氣血通利關節

附骨疽治驗

一男子中寒發散未盡大腿腫痛脈浮數而無力此風寒未盡內虛故也以五積散去麻黃加牛膝二服疼痛稍減又以內托黃芪酒煎湯四服通腫俱消惟腿外側結腫一塊不退此瘀血凝滯欲作膿也以托裏藥候膿熟針之更以十全大補湯而斂

一男子勞碌遇寒每發腿痛發則寒熱嘔吐胸痞不食此因氣惱飲